0.0.1 sāriputtamoggallānapabbajjāsuttam

- 12. tena kho pana samayena sañjayo paribbājako jājagahe paṭivasati mahatiyā paribbājakaparisāya saddhim aḍḍhateyyehi paribbājakasatehi. tena kho pana samayena sāriputtamoggallānā sañjaye paribbājake brahmacariyam caranti. tehi katikā katā hoti: "yo paṭhamam amatam adhigacchati, so itarassa ārocetu"ti. atha kho āyasmā assaji pubbanhasamayam nivāsetvā pattacīvaramādāya rājagaham pinḍāya pāvisi. pāsādikena abhikkantena paṭikkantena ālokitena vilokitena samminjitena pasāritena okkhittacakkhu iriyāpathasampanno.
- 13. addasā kho sāriputto paribbājako āyasmantam assajim rājagahe piņḍāya carantam pāsādikena abhikkantena paṭikkantena ālokitena vilokitena sammiñjitena pasāritena okkhittacakkhum iriyāpathasampannam disvānassa etadahosi: "ye vata loke arahanto vā arahattamaggam vā samāpannā, ayam tesam bhikkhu aññataro. yannūnāham imam bhikkhum upasankamitvā puccheyyam, kam'si tvam āvuso, uddissa pabbajito? ko vā te satthā? kassa vā tvam dhammam rocesī?"ti.
- **14.** atha kho sāriputassa paribbājakassa etadahosi: "akālo kho imam bhikkhum pucchitum, antaragharam pavittho pindāya carati. yannūnāham imam bhikkhum

piṭṭhito piṭṭhito anubandheyyam. atthikehi upaññā-tam magga"nti. atha kho āyasmā assaji rājagahe piṇḍāya caritvā piṇḍapātam ādāya paṭikkami. atha kho sāriputato¹ paribbājako yenāyasmā assaji, tenupasaṅ-kami. upasaṅkamitvā ayāsmatā assajinā saddhim sammodi. sammodanīyam katham sāraṇīyam vītisāretvā ekamantam aṭṭhāsi. ekamantam ṭhito kho sāriputto paribbājako āyasmantam assajim etadavoca: "vippasannāni kho te āvuso, indriyāni. parisuddho chavivaṇṇo pariyodāto. kaṃ'si tvam āvuso, uddissa pabbajito? ko vā te satvā? kassa vā tvam dhammam rocesī?"ti.

15. "atthāvuso mahāsamaņo sakyaputo sakyakulā pabbajito. tāham bhagavantam uddissa pabbajito. so ca me bhagavā satthā tassa cāham bhagavato dhammam rocemī"ti. "kimvādī panāyasmato satthā kimakkhāyī?" "aham kho āvuso, navo acirapabbajito. adhunāgato imam dhammavinayam na tāham sakkomi vitthārena dhammam desetum. api ca te sankhittena attham vakkhāmī"ti. atha kho sāriputto paribbājako "āyasmantam assajim etadavoca: "hotu āvuso

"appaṃ vā bahuṃ vā bhāsassu, atthaññeva me brūhi, attheneva me attho, kiṃ kāhasi vyañjanaṃ bahu"nti.

¹sāriputtopi - machasam. bit page 084

atha kho āyasmā assaji sāriputtassa paribbājakassa imam dhammapariyāyam abhāsi:

ye dhammā hetuppabhavā, tesam hetum tathāgato āha, tesanca yo nirodho, evamvādī mahāsamaņo"ti.

16. atha kho sāriputtassa paribbājakassa imaṃ dhammapariyāyaṃ sutvā virajaṃ vītamalaṃ dhammacakkhuṃ udapādi: "yaṃ kiñci samudayadhammaṃ, sabbaṃ taṃ nirodhadhamma"nti.

"eseva dhammo yadi tāvadeva, paccabyathā² padamasokam, adiţṭham abbhatītam, bahukehi kappanhutehī"ti.

17. atha kho sāriputto paribbājako yena moggallāno paribbājako tenupasankamitvā addasā kho moggallāno paribbājako sāriputtam paribbājakam dūratova āgacchantam. disvāna sāriputtam paribbājakam etadavoca: "vippasannāni kho te āvuso, indriyāni. parisuddho chavivaņeņā. pariyodāto. kacci no tvam³ - āvuso, amatamadhigato?"ti. "āmāvuso, amatam adhigato"ti. "yathā kathampana tvam āvuso, amatam adhigato?"ti. "idhāham āvuso, addasam assajim bhikkhum rājagahe piņdāya carantam pāsādikena abhikkantena paţikkantena

_

²paccabyattha - machasam.

³kaccinu tvam - pts.

ālokitena vilokitena samminjitena pasāritena okkhittacakkhum iriyāpathasampannam. disvāna me etadahosi: "ye vata loke arahanto vā arahantamaggam vā samāpannā. ayam tesam bhikkhu annataro. yannūnāham imam bhikkhum upasankamitvā puccheyyam: kam'si tvam āvuso, uddissa pabbajito? ko vā te satthā? kassa vā tvam dhammam rocesi?"ti. tassa mayham āvuso etadahosi: "akālo kho imam bhikkhum pucchitum, antaragharam paviṭṭho piṇḍāya carati. yannūnāham imam bhikkhum piṭṭhito piṭṭhito anubandheyyam. atthikehi upañnātam magga"nti.

- 18. atha kho āvuso assaji bhikkhu rājagahe piṇḍāya caritvā piṇḍapātaṃ ādāya paṭikkami. atha khvāhaṃ āvuso, yena assaji bhikkhu tenupasaṅkami upasaṅkamitvā assajinā bhikkhunā saddhiṃ sammodiṃ sammodanīyaṃ kathaṃ sāraṇīyaṃ vītisāretvā ekamantaṃ aṭṭhāsiṃ. ekamantaṃ ṭhito kho ahaṃ āvuso assajiṃ bhikkhuṃ etadavocaṃ: "vippasannāni kho te āvuso, indriyāni. parisuddho chavivaṇeṇā. pariyodāto. kaṃ'si tvaṃ āvuso, uddissa pabbajito? ko vā te satthā? kassa vā tvaṃ dhammaṃ rocesī?"ti.
- 19. 'atthāvuso mahāsamaņo sakyaputto sakyakulā pabbajito. tāham bhagavantam uddissa pabbajito. so ca me bhagavā satthā. tassa cāham bhagavato dhammam rocemī"ti. "kimvādī panāyasmato satthā? kimakkhāyī?"ti. "aham kho āvuso, navo acirapabbajito.

pts page 041

adhunāgato imam dhammavinayam, na tāham sakkomi vitthārena dhammam desetum. api ca te sankhittena attham vakkhāmī"ti.

"appam vā bahum vā bhāsassu, atthaññeva me brūhi, attheneva me attho, kim kāhasi vyañjanam bahu"nti.

20. atha kho āvuso, assaji bhikkhu⁴ - imaṃ dhamma-pariyāyaṃ abhāsi:

ye dhammā hetuppabhavā, tesam hetum tathāgato āha, tesanca yo nirodho, evamvādī mahāsamaņo"ti.

21. atha akhā moggallānassa paribbājakassa imaṃ dhammapariyāyaṃ sutvā virajaṃ vītamalaṃ dhammacakkhuṃ udapādi: "yaṃ kiñci samudayadhammaṃ sabbam tam nirodhadhamma"nti.

"eseva dhammo yadi tāvadeva, paccabyathā⁵ padamasokam, adiţṭham abbhatītam, bahukehi kappanhutehī"ti.

⁴āyasmā assaji bhikkhu - ma, nu, pa; to, vi. pts page 042 ⁵paccabyattha - machasam.

- **22.** atha kho moggallāno paribbājako sāriputtam paribbājakam etadavoca: "gacchāma mayam āvuso, bhagavato santike. so no bhagavā satthā"ti. imāni kho āvuso aḍḍhateyyāti paribbājakasatāni amhe nissāya amhe sampassantā idha viharanti. te'pi tāva apalokema⁶ yathā te maññissanti, tathā karissantī"ti.
- 23. atha kho sāriputtamoggallānā yena te paribbājakā, tenupasaṅkamiṃsu. upasaṅkamitvā te paribbājake etadavocuṃ: "gacchāma mayaṃ āvuso, bhagavato santike. so no bhagavā satthā"ti "mayaṃ āyasmante nissāya āyasmante sasmapassantā idha viharāma. sace āyasmantā mahāsamaṇe brahmacariyaṃ carissanti, sabbeva mayaṃ mahāsamaṇe brahmacariyaṃ carissāmā"ti.
- 24. atha kho sāriputtamoggallānā yena sañjayo paribbājakā, tenupasaṅkamiṃsu. upasaṅkamitvā sañjayaṃ paribbājakaṃ etadavocuṃ: "gacchāma mayaṃ āvuso, bhagavato santike. so no bhagavā satthā"ti "alaṃ āvuso, mā gamittha, sabbeva tayo imaṃ gaṇaṃ pariharissāmā"ti.
- **25.** dutiyampi kho sāriputtamoggallānā sañjayam paribbājakam, etadavocum: "gacchāma mayam āvuso, bhagavato santike. so no bhagavā satthā"ti "alam āvuso, mā gamittha, sabbeva tayo imam gaṇam pariharissāmā"ti.

⁶apalokāma - ma. nu. pa.

bjt page 088

- **26.** tatiyampi kho sāriputtamoggallānā sañjayam paribbājakam, etadavocum: "gacchāma mayam āvuso, bhagavato santike. so no bhagavā satthā"ti "alam āvuso, mā gamittha, sabbeva tayo imam gaṇam pariharissāmā"ti.
- 27. atha kho sāriputtamoggallānā tāni aḍḍhateyyāni paribbājakasatāni ādāya yena veļuvanam tenupasankamimsu. sañjayassa pana paribbājakassa nattheva unham lohitam mukhato uggañachi.
- 28. addāsā kho bhagavā sāriputtamoggallāne dūratova āgacchante. disvāna bhikkhū āmantesī: "ete bhikkhave dve sahāyā āgacchanti kolito upatisso ca. etam me sāvakayugam bhavissati aggam bhaddayuga"nti.

"gambhīre ñāṇavisaye, anuttare upadhisaṅkhaye, vimutte appatte veļuvanaṃ, atha ne satthā byākāsi.

ete dve sahāyā, āgacchanti⁷ - kolito upatisso ca, etaṃ me sāvakayugaṃ, bhavissati aggaṃ bhaddayuga"ntita

29. atha kho sāriputtamoggallānā yena bhagavā tenupasankamimsu. upasankamitvā bhagavato pādesu

pts page 043 ⁷anena - machasam.

sirasā nipatitvā bhagavantam etadavocum- "labheyyāma mayam bhante, bhagavato santike pabbajjam. labheyyāma upasampada"nti. "etha bhikkhavo"ti bhagavā avoca. "svakkhāto dhammo caratha brahmacariyam sammā dukkhassa antakiriyāyā"ti. sova tesam āyasmantānam upasampadā ahosi.

bjt page 090